

**PEMBERITAHU PERTANYAAN DEWAN RAKYAT**

**PERTANYAAN : LISAN**

**DARIPADA : Y.B. DATUK JUMAT BIN IDRIS [SEPANGGAR]**

**TARIKH : 3.11.2014**

**SOALAN :**

**Datuk Jumat bin Idris [ Sepanggar ] minta MENTERI PENDIDIKAN menyatakan :-**

- (a) apakah pelan perancangan pihak Kementerian untuk menampung bilangan pelajar daripada negeri Sabah yang ingin melanjutkan pelajaran ke Institut Pengajian Tinggi Awam, yang mana bilangannya semakin bertambah tahun demi tahun; dan
- (b) adakah pihak Kementerian merancang untuk menambah bilangan Institut Pengajian Tinggi awam di negeri ini.

**JAWAPAN**

(a) dan (b)

Tuan Yang di-Pertua,

Dasar pengambilan dan pemilihan kemasukan ke Institusi Pengajian Tinggi Awam (IPTA) bagi Ijazah Pertama adalah berasaskan prinsip meritokrasi dengan menggunakan 90 peratus markah akademik dan 10 peratus markah kokurikulum dalam menentukan nilai merit seseorang calon. Prinsip meritokrasi ini dilaksanakan tanpa mengira agama, bangsa, keturunan, negeri, tempat tinggal dan sebagainya.

Kejayaan pelajar memperoleh tempat adalah bergantung pada susunan merit, pilihan program pengajian, pilihan IPTA yang dimohon serta bilangan tempat yang disediakan oleh IPTA.

Untuk makluman Ahli Yang Berhormat, penubuhan sesebuah IPTA mahupun cawangannya dibuat berdasarkan keperluan strategik negara. Ia dibuat dengan mengambil kira kemampuan pembiayaan Kerajaan, kepentingan bidang tujahan tertentu terhadap pembangunan sosio ekonomi negara, sumber manusia yang mencukupi serta keperluan sumber tenaga yang diperlukan dalam pasaran kerja. Buat masa ini, Kementerian belum bercadang untuk menubuhkan IPTA baharu di Sabah kerana fokus kini terarah untuk memperkasa IPTA sedia ada.

Senarai IPTA termasuk Politeknik dan Kolej Komuniti di Sabah adalah seperti berikut :

1. Universiti Malaysia Sabah (UMS)
2. Universiti Teknologi MARA (UiTM) Kampus Sabah
3. Politeknik Kota Kinabalu
4. Politeknik Sandakan
5. Kolej Komuniti Tawau
6. Kolej Komuniti Semporna
7. Kolej Komuniti Tambunan
8. Kolej Komuniti Lahad Datu
9. Kolej Komuniti Sandakan
10. Kolej Komuniti Beaufort
11. Kolej Komuniti Penampang
12. Kolej Komuniti Kota Marudu